

VENDIM
Nr. 525, datë 16.8.2012

**PËR PËRCAKTIMIN E FUNKSIONEVE, TË PËRGJEGJËSIVE E TË MARRËDHËNIEVE
NDËRMJET AUTORITETEVE DHE STRUKTURAVE TË MENAXHIMIT TË
DECENTRALIZUAR TË ASISTENCËS SË BASHKIMIT EUROPIAN, NË KUADËR TË
INSTRUMENTIT TË PARAZGJERIMIT (IPA), KOMPONENTI II - “BASHKËPUNIMI
NDËRKUFITAR”¹**

Në mbështetje të nenit 100 të Kushtetutës, të neneve 6 dhe 8 të ligjit nr. 9840, datë 10.12.2007 “Për ratifikimin e marrëveshjes kuadër, ndërmjet Këshillit të Ministrave të Republikës së Shqipërisë dhe Komisionit të Komuniteteve Europiane, për rregullat e bashkëpunimit financiar për asistencën për Shqipërinë, në kuadër të zbatimit të Instrumentit të Parazgjerimit (IPA)”, me propozimin e Ministrit të Financave, Këshilli i Ministrave

VENDOSI:

1. Qëllimi

Ky vendim përcakton funksionet, përgjegjësitë dhe marrëdhëniet e ndërsjella ndërmjet autoriteteve dhe strukturave të menaxhimit të decentralizuar (MD) të asistencës së Bashkimit Europian, në kuadër të Instrumentit të Asistencës së Parazgjerimit (IPA), komponenti II - “Bashkëpunimi ndërkufitar”, siç përcaktohet në nenin 85 të rregullores implementuese të IPA-së.

2. Autoritetet dhe strukturat për komponentin II të IPA-së

a) Autoritetet për menaxhimin e komponentit II të IPA-së do të jenë:

i) Koordinatori kombëtar i IPA-së (KKIPA/NIPAC);

ii) Zyrtari përgjegjës akreditues (ZPA/CAO);

iii) Zyrtari kombëtar autorizues (ZKA/NAO);

iv) Zyrtari autorizues i programit (ZAP/PAO);

v) Drejtuesi i Strukturës Operative (DSO/HOS);

b) Strukturat për menaxhimin e komponentit II të IPA-së do të jenë:

i) Struktura operative (SO/OS), e cila përbëhet nga dy njësi:

- Njësia e Bashkëpunimit Ndërkufitar,

- Agjencia implementuese (AI);

ii) Fondi Kombëtar;

iii) Zyra e ZKA/NAO-së;

iv) Autoriteti i auditit.

3. Koordinator kombëtar i IPA-së (KKIPA/NIPAC)

a) Koordinator kombëtar i IPA-së (KKIPA/ NIPAC) është ministri përgjegjës për integrimin.

b) Në përputhje me pikën 2 të aneksit A të marrëveshjes kuadër, ratifikuar me ligjin nr. 9840, datë 10.12.2007, koordinatori kombëtar i IPA-së (KKIPA/NIPAC) është përgjegjës për:

i) të siguroar koordinimin e përgjithshëm të asistencës IPA;

ii) koordinimin e procesit të programimit për komponentin II të IPA-së për palën shqiptare;

iii) koordinimin e pjesëmarrjes së Shqipërisë në programet përkatëse të bashkëpunimit ndërkufitar me shtetet anëtare të BE-së dhe me vendet e tjera përfituese, si dhe në programet transnacionale, ndërrajonale ose detare, në kuadër të instrumenteve të tjera të Komunitetit;

iv) sigurimin e partneritetit ndërmjet Komisionit Europian dhe Republikës së Shqipërisë, si dhe për të siguroar që fondet e IPA-së përdoren në mënyrë efektive për zbatimin e përparësive në kuadër të integritetit europian;

¹ Në përputhje me EU acquis, ID celex – 32007R0718, Commission Regulation (EC), No 718/2007, of 12 June 2007, implementing Council Regulation (EC), No 1085/2006, establishing an instrument for pre-accession assistance (IPA).

v) hartimin dhe, pas kontrollit/ekzaminimit nga Komiteti i Monitorimit të IPA-së, paraqitjen e raporteve vjetore e finale mbi IPA-në, për zbatimin e asistencës së IPA-së te Komisioni Europian. Një kopje e raporteve i dërgohet ZKA-së;

vi) zbatimin e dispozitave të “Manualit të brendshëm të procedurave”, miratuar prej tij, gjatë kryerjes së funksioneve të listuara në këtë vendim.

4. Zyrtari përgjegjës akreditues (ZPA/CAO)

a) Zyrtari përgjegjës akreditues (ZPA/CAO) është Ministri i Financave.

b) ZPA/CAO-ja është autoritet i menaxhimit të decentralizuar, i cili akrediton ZKA/NAO-në dhe strukturën e tij mbështetëse (zyrën e ZKA/NAO-së dhe Fondin Kombëtar) për menaxhimin e decentralizuar të komponentëve të IPA-së, bazuar në kërkesat e përshkruara në pikën 1 të aneksit A të marrëveshjes kuadër.

c) ZPA/CAO-ja, nëpërmjet auditimeve të pavarura, kontrollon përmbushjen e kriterëve të akreditimit nga ZKA/NAO-ja, zyra e ZKA/NAO-së dhe nga Fondi Kombëtar, në përputhje me përcaktimet e bëra në pikën 1 shkronja “c” të aneksit A të marrëveshjes kuadër.

ç) ZPA/CAO-ja njofton Komisionin Europian për akreditimin e ZKA/NAO-së, zyrës së ZKA/NAO-së dhe Fondit Kombëtar, dhe informon Komisionin Europian për çdo ndryshim në lidhje me akreditimin. Këtu përfshihet dhënia e të gjithë informacionit përkatës mbështetës që kërkohej nga Komisioni Europian.

d) Pas akreditimit të ZKA/NAO-së, zyrës së ZKA/NAO-së dhe Fondit Kombëtar, ZPA/CAO-ja është përgjegjës për monitorimin, pezullimin apo tërheqjen e akreditimit të ZKA/NAO-së, zyrës së ZKA/NAO-së dhe Fondit Kombëtar, duke informuar për këtë Komisionin Europian, bazuar në pikën 1 shkronja “b” të aneksit A të marrëveshjes kuadër.

dh) ZPA/CAO-ja organizon mbledhje dhe këshillime të rregullta me autoritetin e auditit për të siguruar funksionimin e rregullt të menaxhimit të decentralizuar të komponentit II të IPA-së.

e) ZPA/CAO-ja miraton “Manualin e brendshëm të procedurave” që përshkruan zbatimin e funksioneve të caktuara për ZPA/CAO-në dhe konfirmon “Manualin e brendshëm të procedurave” për ZKA/NAO-në, zyrës së ZKA/NAO-së dhe Fondit Kombëtar.

5. Zyrtari kombëtar autorizues (ZKA/NAO)

a) Zyrtari kombëtar autorizues (ZKA/NAO) është një zyrtar i lartë në Ministrinë e Financave, i cili emërohet nga ZPA/CAO-ja.

b) ZKA/NAO është pika kryesore e kontaktit për informacionin financiar të dërguar ndërmjet Komisionit Europian dhe Republikës së Shqipërisë.

c) ZKA/NAO-ja mbikëqyr funksionimin e zyrës së NAO-së dhe Fondit Kombëtar.

ç) ZKA/NAO-ja drejton Fondin Kombëtar, i cili mban përgjegjësinë e plotë për menaxhimin financiar të fondeve të BE-së. Në përputhje me aneksin A, neni 4, të marrëveshjes kuadër, ZKA/NAO-ja është përgjegjës për ligjshmërinë dhe rregullsinë e transaksioneve të kryera në kuadër të menaxhimit të decentralizuar.

d) ZKA/NAO-ja përdor kapacitetet e Fondit Kombëtar për të ushtruar funksionet e mëposhtme:

i) është përgjegjës për hartimin dhe dorëzimin pranë Komisionin Europian të deklaratës së vërtetimit të shpenzimeve dhe pagesave të zbatuara. ZKA/NAO-ja mban përgjegjësinë e plotë për saktësinë e zbatimit të pagesave dhe për transferimin e fondeve për strukturën përkatëse operative ose përfituesit përfundimtarë;

ii) bën rregullimet e nevojshme financiare lidhur me parregullsitë e zbuluara dhe për të siguruar kthimin e fondeve të papërdorura ose të keqpërdorura;

iii) i dorëzon Komisionit Europian një parashikim të aplikimeve të mundshme për pagesa, për vitin financiar në fjalë dhe për vitin pasardhës financiar, më 28 shkurt të çdo viti;

iv) siguron ekzistencën e bashkëfinancimit kombëtar të nevojshëm, në përputhje me marrëveshjet financiare nën instrumentin IPA, në mënyrë që të mundë të parashikohet në buxhetin vjetor të Republikës së Shqipërisë;

v) bën të mundur që sistemi i raportimit financiar të Komisionit Europian të përditësohet

rregullisht dhe procedurat e raportimit të respektohen siç duhet nga Fondi Kombëtar dhe agjencia implementuese;

dh) ZKA/NAO-ja drejton zyrën e ZKA/NAO-së dhe bazuar në aneksin A neni 4 të marrëveshjes kuadër, është përgjegjëse për funksionimin efektiv të sistemeve të menaxhimit dhe kontrollit në përputhje me kërkesat e IPA-së për dhënien, monitorimin dhe pezullimin apo tërheqjen e akreditimit të strukturës operative;

e) ZKA/NAO-ja përdor kapacitetet e zyrës së ZKA/NAO-së për të kryer funksionet e mëposhtme:

i) mban përgjegjësinë e plotë për identifikimin, hetimin e çdo parregullsie dhe rastet e dyshuara e reale të mashtrimit dhe për informimin e Komisionit European për to. Në ushtrimin e këtij funksioni ZKA/NAO-ja bashkëpunon me Shërbimin e Koordinimit kundër Mashtrimit (AFCOS);

ii) është përgjegjëse për dhënien e akreditimit strukturës operative për zbatimin e IPA-së, komponenti II, dhe për vënien në dijeni të Komisionit European, në përputhje me nenin 11 të marrëveshjes kuadër. ZKA/NAO-ja i jep akreditimin strukturës operative pasi sigurohet, bazuar në një opinion auditit të pavarur, se kërkesat e parashikuara në nenin 9 të marrëveshjes kuadër, janë plotësuar;

iii) njofton Komisionin European për akreditimin e strukturës operative dhe siguron të gjithë informacionin mbështetës të kërkuar nga Komisioni European, përfshirë një përshkrim të sistemeve të menaxhimit dhe të kontrollit;

iv) pas akreditimit të strukturës operative, është përgjegjëse për monitorimin, pezullimin apo tërheqjen e akreditimit të strukturës operative dhe për informimin e ZPA/CAO-së e të Komisionit European për ndonjë ndryshim të rëndësishëm lidhur me to;

v) në rast se ndonjë nga kërkesat e kriterëve të akreditimit nuk është plotësuar ose nuk ekziston më, do të pezullojë ose do të tërheqë akreditimin e strukturës operative përkatëse dhe do të njoftojë menjëherë Komisionin European dhe ZPA/CAO-në për vendimin dhe për arsyet e këtij vendimi. ZKA/NAO-ja sigurohet që këto kërkesa përmbushen sërish para dhënies së akreditimit përkatës. Kjo siguri duhet të mbështetet nga një opinion auditimi;

vi) në rast se zbulon dobësi në sistemin e menaxhimit dhe të kontrollit, informon drejtuesit e organeve që përbëjnë strukturën operative dhe jep rekomandime për marrjen e masave të duhura korrigjuese;

vii) ndjek gjetjet e raporteve të auditimit nga autoriteti i auditimit në mënyrë që të monitorojë me sukses funksionimin e sistemeve të menaxhimit dhe të kontrollit;

viii) kur është e nevojshme, mund të angazhojë auditues të pavarur për të kryer auditime shtesë mbi të gjitha autoritetet dhe organet e përfshira në sistemin e menaxhimit të decentralizuar të fondeve të IPA-së, me qëllim që të sigurojë funksionimin efektiv dhe efikas të sistemeve të menaxhimit dhe kontrollit, në përputhje me kërkesat e IPA-së;

ix) dorëzon një deklaratë vjetore garancie të Komisionit European me një kopje, ZPA/CAO-së, në përputhje me nenin 17 të marrëveshjes kuadër. Nëse konfirmimi i funksionimit efektiv të sistemeve të menaxhimit dhe të kontrollit, si dhe konfirmimi për ligjshmërinë dhe rregullsinë e transaksioneve në fjalë nuk janë të gatshme, ZKA/NAO-ja informon Komisionin European dhe ZPA/CAO-në për arsyet dhe pasojat e mundshme të ngjarjes së ndodhur, si dhe masat e ndërmarra korrigjuese, me qëllim kapërcimin e saj dhe mbrojtjen e interesave të Komunitetit.

ë) ZKA/NAO-ja do të nënshkruajë marrëveshjen implementuese me drejtuesin e strukturës operative (DSO/HOS) për menaxhimin e decentralizuar të IPA-së, komponenti II, programet e bashkëpunimit ndërkufitar, për kryerjen e funksioneve të tyre në bazë të këtij vendimi.

f) ZKA/NAO-ja miraton “Manualin e brendshëm të procedurave” për ZKA/NAO-në, zyrën e ZKA/NAO-së dhe Fondin Kombëtar dhe konfirmon manualin e brendshëm të procedurave të organeve që përbëjnë strukturën operative, ku përshkruhet zbatimi i funksioneve të caktuara për këtë strukturë.

6. Zyra e zyrtarit kombëtar autorizues (ZKA/NAO)

a) Zyra e zyrtarit kombëtar autorizues (ZKA/NAO) është një strukturë e krijuar në Ministrinë e Financave me qëllim të mbështetës ZKA/NAO-në në ushtrimin e funksionit të tij për monitorimin e funksionimit të sistemeve të menaxhimit dhe kontrollit në bazë të rregullores implementuese të IPA-së, sipas pikës 4, shkronja “b” të aneksit A të marrëveshjes kuadër.

b) Zyra e ZKA/NAO-së do të mbështesë ZKA/NAO-në në detyrat e mëposhtme:

i) marrjen, në emër të ZKA/NAO-së, të konfirmimit se struktura operative ka ngritur sisteme të menaxhimit të shëndoshë financiar e të kontrollit dhe se rregullisht ato përditësojnë informacionin përkatës;

ii) dhënien, monitorimin dhe pezullimin apo tërheqjen e akreditimit të strukturës operative;

iii) sigurimin e ekzistencës e funksionimit efektiv të sistemeve të menaxhimit të asistencës sipas rregullores implementuese të IPA-së;

iv) siguron që sistemi i kontrollit të brendshëm për menaxhimin e fondeve është efektiv dhe efikas;

v) krijimin e një sistemi për raportimin, regjistrimin, ndjekjen, kthimin e fondeve të paguara gabim dhe bashkëpunimin me Komisionin Europian për të gjitha çështjet që lidhen me parregullsitë;

vi) raportimin për sistemet e menaxhimit dhe kontrollit;

vii) sigurimin se sistemi i duhur i raportimit dhe i informacionit funksionon;

viii) ndjek gjetjet e raporteve të auditimit të autoritetit të auditit.

c) Me kërkesë të ZKA/NAO-së, zyra e ZKA/NAO-së kryen kontrole në vend në agjencinë implementuese, si dhe në strukturat e IPA-së në ministritë e linjës/institucionet përfituese, për kontrollin dhe monitorimin më të frytshëm të projekteve të financuara nën Instrumentin IPA, si dhe për të siguruar ligjshmërinë dhe rregullsinë e transaksioneve lidhur me to, në përputhje me pikën 4 të aneksit A të marrëveshjes kuadër, dhe me nenin 25 të rregullores implementuese të IPA-së, 718/2007.

ç) Gjatë kryerjes së detyrave, punonjësit e zyrës së ZKA/NAO-së do të ndjekin dispozitat e “Manualit të brendshëm të procedurave” për zyrën e ZKA/NAO-së, të miratuar nga ZKA/NAO-ja dhe të konfirmuar nga ZPA/CAO-ja.

7. Fondi Kombëtar

a) Fondi Kombëtar është organ qendror thesari në Ministrinë e Financave, njësia e vetme nëpërmjet të cilit fondet IPA të Komisionit Europian do të transferohen në Republikën e Shqipërisë sipas pikës 4 shkronja “a” dhe pikës 5 të aneksit A të marrëveshjes kuadër.

b) Fondi Kombëtar, i drejtuar nga ZKA/NAO-ja, është përgjegjës për menaxhimin financiar të fondeve IPA, në veçanti:

i) për hapjen dhe menaxhimin e llogarive bankare;

ii) për kërkimin e fondeve nga Komisioni Europian;

iii) për të asistuar ZKA/NAO-në në verifikimin se bashkëfinancimet nga buxheti kombëtar dhe burimet e tjera (kur është e përshtatshme) që janë në dispozicion mund të përdoren për bashkëfinancim, siç kërkohet në marrëveshjen financiare përkatëse;

iv) për miratimin e transferimit të fondeve të marra nga Komisioni Europian për strukturën operative;

v) për të paraqitur një propozim ZKA/NAO-së për rregullimin e shumës financiare të kërkuar në lidhje me parregullsitë e zbuluara në veprime apo programe, duke anuluar të gjithë ose një pjesë të kontributit IPA për veprimin ose programin përkatës;

vi) për dorëzimin e raporteve financiare pranë Komisionit Europian;

vii) për sigurimin e kontabilitetit të duhur për kontributin IPA, në përputhje me standardet e aplikueshme;

viii) siguron që i gjithë informacioni i nevojshëm është në dispozicion për të siguruar në çdo kohë një auditim të detajuar mjaftueshëm. Ky informacion do të përfshijë evidencë të dokumentuar të autorizimit të aplikimeve për pagesat, të kontabilitetit dhe të pagesave të realizuara nga këto aplikime, si dhe të trajtimit të huave, garancive dhe borxheve.

c) Fondi Kombëtar bashkëpunon me Bankën e Shqipërisë, ku ZKA/NAO-ja hap llogari në monedhë të huaj për transferimin e fondeve nga Komisioni Europian, për çdo komponent të IPA-së.

ç) Marrëdhëniet e ndërsjella ndërmjet ZKA/NAO-së, Fondit Kombëtar, agjencisë implementuese dhe Bankës së Shqipërisë do të qeverisen nga një marrëveshje e veçantë që rregullon termat dhe kushtet për funksionimin e llogarive në monedhë të huaj, të hapura pranë Bankës së Shqipërisë.

d) Gjatë kryerjes së funksioneve të listuara në këtë vendim, punonjësit e Fondit Kombëtar do të ndjekin dispozitat e “Manualit të brendshëm të procedurave” të Fondit Kombëtar, të miratuar nga ZKA/NAO-ja dhe të konfirmuar nga ZPA/CAO-ja.

8. Autoriteti i auditit

Autoriteti i auditit është njësi funksionalisht e pavarur nga të gjithë aktorët e sistemeve të menaxhimit dhe kontrollit dhe ushtron funksionet e tij në përputhje me vendimin e Këshillit të Ministrave nr. 1020, datë 14.10.2009 “Për krijimin e Agjencisë së Auditimit të Programeve të Asistencës të Bashkimit European”, të ndryshuar.

9. Struktura operative (SO/OS) për zbatimin e komponentit II të IPA-së “Bashkëpunimi ndërkufitar”

a) Një zyrtar i lartë në Ministrinë e Integrimit caktohet si drejtues i strukturës operative (DSO/HOS), me urdhër të brendshëm të KKIPA/NIPAC-së.

b) DSO/HOS-ja mban përgjegjësinë e plotë për menaxhimin dhe zbatimin e programeve të bashkëpunimit ndërkufitar (BNK/CBC), përkatësisht:

i) është personi i vetëm përgjegjës për koordinimin dhe mbikëqyrjen e funksionimit të duhur të Njesisë së Bashkëpunimit Ndërkufitar BNK/CBC dhe agjencisë implementuese (AI);

ii) është përgjegjës para KKIPA/NIPAC-së dhe Komisionit European për realizimin e programimit të përshtatshëm dhe monitorimit në nivel programi;

iii) siguron auditimin e brendshëm të organeve të ndryshme përbërëse të SO/OS-së;

iv) siguron raportimin e parregullsisë;

v) siguron përputhshmërinë me kërkesat e informacionit dhe publicitetit;

vi) siguron që të gjitha organet e përfshira në zbatimin e veprimeve të mbajnë një sistem të veçantë kontabiliteti ose një kodifikim të veçantë kontabiliteti.

c) Struktura operative (SO/OS) është përgjegjëse për menaxhimin dhe implementimin e programeve të bashkëpunimit ndërkufitar të IPA-së, në përputhje me parimet e menaxhimit të shëndoshë financiar, dhe kryen funksionimin e saj në bazë të nenit 28 të rregullores implementuese të IPA-së.

ç) Struktura operative (SO/OS) përbëhet nga këto organe: Njësia e Bashkëpunimit Ndërkufitar (BNK) dhe Drejtoria e Përgjithshme e Financimeve dhe Kontraktimeve, që vepron si agjenci implementuese (AI).

d) Bazuar në funksionet e SO/OS-së, të përcaktuara në nenin 28 të rregullores implementuese të IPA-së, DSO/HOS-ja delegon një pjesë të funksioneve tek organet përbërëse të strukturës operative.

dh) Drejtori i strukturës operative DSO/HOS-ja nënshkruan marrëveshjen operacionale me ZAP/PAO-në si drejtuesin e agjencisë implementuese për menaxhimin e decentralizuar të programeve të bashkëpunimit ndërkufitar të komponentit II të IPA-së. Në këtë marrëveshje detyrat e DSO/HOS-së, njesisë së BNK/CBC, ZAP/PAO-së, AI-së, komitetit të përbashkët monitorues (KPM) dhe sekretariatit të përbashkët teknik (SPT) shtjellohen hollësisht.

e) Njësia e BNK/CBC-së përfaqësohet nga një zyrtar në drejtorinë e IPA-së në Ministrinë e Integrimit, i cili emërohet me urdhër të brendshëm të KKIPA/NIPAC-së dhe ka përgjegjësitë e mëposhtme:

i) të marrë vendime operacionale për programimin dhe monitorimin në nivel programi;

ii) të drejtojë autoritetin vendimmarrës për Shqipërinë në lidhje me funksionet e komitetit të përbashkët monitorues (KPM), të përcaktuara në nenin 142 pika 5 shkronjat “b” deri “d” dhe “g” deri “h” të rregullores implementuese të IPA-së;

iii) të sigurojë kontrollin dhe mbikëqyrjen e përshtatshme mbi sekretariatit të përbashkët teknik (SPT), duke ndihmuar SO/OS-në dhe KPM-në të kryejnë funksionet e tyre.

ë) Nën përgjegjësinë e drejtuesit të sektorit të BNK/CBC-së, njësia BNK/CBC ka funksionet e mëposhtme:

iv) të hartojë programet vjetore dhe shumëvjeçare;

v) të monitorojë zbatimin e programit dhe të udhëzojë punën e komitetit të monitorimit sektorial;

vi) të hartojë raportet implementuese sektoriale vjetore e përfundimtare dhe, pas shqyrtimit të tyre

nga ana e Komitetit të Monitorimit Sektorial, t'i paraqesë ato në Komisionin European, te koordinatori kombëtar i IPA-së (KKIPA/NIPAC) dhe te zyrtari kombëtar autorizues (ZKA/NAO);

vii) të hartojë raportet vjetore dhe përfundimtare për zbatimin e programit ndërkufitar dhe, pas shqyrtimit të tyre nga Komiteti i Përbashkët Monitorues, t'i paraqesë ato në Komisionin European, te koordinatori kombëtar i IPA-së dhe te zyrtari kombëtar autorizues, në përputhje me nenin 144 të rregullores implementuese të IPA-së.

viii) të sigurojë se aktivitetet zgjidhen për financim dhe miratohen në përputhje me kriteret e miratuara nga komiteti i përbashkët monitorues (KPM);

ix) të ngrejë procedura që sigurojnë ruajtjen e të gjitha dokumenteve të kërkuara për sigurimin e auditimit të përshtatshëm;

x) të ngrejë, të mirëmbajë dhe të përditësojë sistemin e raportimit e të informacionit.

f) Drejtoria e Përgjithshme e Financimeve dhe Kontraktimeve (DPFK), në Ministrinë e Financave, e cila vepron si agjencia implementuese, drejtohet nga zyrtari autorizues i programit (ZAP/PAO). Zyrtari autorizues i programit emërohet nga zyrtari kombëtar autorizues (ZKA) pas konsultimeve me koordinatorin kombëtar të IPA-së (KKIPA) dhe është përgjegjës për:

i) marrjen e vendimeve operacionale në nivelin e transaksioneve;

ii) sigurimin e ligjshmërisë, rregullsisë dhe menaxhimit të shëndoshë financiar të zbatimit të çdo transaksioni, kryesisht të kontratave dhe pagesave, në zbatim të pikës 1 shkronja "f" të rregullores implementuese të IPA-së;

iii) marrjen e vendimeve përfundimtare për qëndrimin e Shqipërisë në Komitetin e Përbashkët Monitorues (KPM), pas konsultimit me Njësinë e Bashkëpunimit Ndërkufitar (BNK/CBC), për sa u përket shqyrtimit, miratimit dhe rishikimit të kriterëve për përzgjedhjen e aktiviteteve, siç parashikohet në nenin 142 pika 5 shkronjat "b" deri "d" dhe "g" deri "h" të rregullores implementuese të IPA-së;

iv) ushtrimin e mbikëqyrjes për sistemet që përdoren nga të gjithë aktorët, veçanërisht nga Sekretariati i Përbashkët Teknik (SPT), në rolin e tyre për fillimin dhe verifikimin e transaksioneve financiare;

v) përcaktimin e modaliteteve procedurale për të siguruar mbikëqyrjen e sistemeve të lartpërmendura;

g) Agjencia implementuese (AI) ka këto funksione:

i) organizon procedurat e tenderimit dhe të dhënies së granteve, kontraktimin dhe realizimin e pagesave, si dhe rimarrjen e pagesave nga përfituesit finalë;

ii) siguron që ZKA/NAO-ja dhe Fondi Kombëtar të marrin të gjithë informacionin e nevojshëm për procedurat dhe verifikimet e realizuara për sa u përket shpenzimeve;

iii) kryen verifikime për të siguruar që shpenzimet e deklaruar janë zbatuar në përputhje me rregullat e aplikueshme; produktet ose shërbimet janë dorëzuar në përputhje me vendimet e miratuara dhe kërkesat për pagesa nga përfituesi final janë korrekte. Këto verifikime do të mbulojnë aspektet administrative, financiare, teknike dhe fizike të aktiviteteve.

iv) është përgjegjëse për verifikimin e shpenzimeve të projektit e dorëzimin e produkteve dhe shërbimeve (të quajtur "kontroll i nivelit të parë"), si dhe për lëshimin e deklaratës për vlefshmërinë e shpenzimeve, nënshkruar nga nëpunësi/t përkatës i/të emëruar në kuadër të programeve të bashkëpunimit transnacional.

10. Struktura e përbashkët monitoruese (SPM) për zbatimin e komponentit II të IPA-së "Bashkëpunimi ndërkufitar"

a) Për secilin program të bashkëpunimit ndërkufitar BNK/CBC, në të cilin Shqipëria merr pjesë, struktura operative shqiptare dhe struktura/t operative partnere që marrin pjesë në programin përkatës krijojnë një strukturë të përbashkët monitoruese (SPM), në përputhje me nenin 139 të rregullores implementuese të IPA-së.

b) SPM-ja do të mbikëqyrë zbatimin e programit përkatës të BNK/CBC-së.

c) Për secilin program të BNK/CBC-së, në të cilin Shqipëria merr pjesë, SPM-ja do të përbëhet nga dy organe: komiteti i përbashkët monitorues (KPM) dhe sekretariati i përbashkët teknik (SPT).

- Komiteti i përbashkët monitorues (KPM):

i) Komiteti i përbashkët monitorues (KPM), për programin përkatës të BNK/CBC-së, ngrihet bashkërisht nga struktura operative shqiptare dhe struktura operative partnere, që përfaqëson vendin përfitues, i cili merr pjesë në këtë program;

ii) KPM-ja përbëhet nga përfaqësues të strukturave operative, autoriteteve përgjegjëse kombëtare, rajonale dhe lokale, partnerëve socialë dhe ekonomikë, të autoriteteve kombëtare kompetente, rajonale dhe lokale, si dhe ndonjë organ tjetër i përshtatshëm që përfaqëson shoqërinë civile, në përputhje me nenet 142 pika 3 dhe 87 të rregullores implementuese të IPA-së;

iii) KPM-ja është organi vendimmarrës për programin përkatës të BNK/CBC-së;

iv) KPM-ja e programit përkatës të BNK/CBC-së, së bashku me strukturat operative, siguron cilësinë e zbatimit të programit ndërkufitar dhe kryen monitorimin e treguesve të programit përkatës, në përputhje me dispozitat e nenit 142 pika 5 të rregullores implementuese të IPA-së;

v) Detyrat e KPM-së rregullohen nga rregullorja e procedurave, e miratuar me vendim të KPM-së.

- Sekretariati i përbashkët teknik (SPT):

vi) Për secilin program ndërkufitar, struktura operative shqiptare dhe struktura operative partnere që merr pjesë në programin përkatës të BNK/CBC-së, ngrenë një sekretariat të përbashkët teknik (SPT) për të ndihmuar KPM-në dhe strukturat operative të kryejnë detyrat përkatëse, në përputhje me nenin 139 pika 4 të rregullores implementuese të IPA-së.

vii) SPT-ja është organi administrativ i programit të BNK/CBC-së përgjegjës për menaxhimin e përditshëm;

viii) SPT-ja përbëhet nga përfaqësues të caktuar nga strukturat operative që marrin pjesë në programin përkatës të BNK/CBC-së;

ix) Detyrat e SPT-ve respektive rregullohen nga rregullorja e procedurave;

x) Rregullorja e procedurave e SPT-së përcaktohet dhe miratohet bashkërisht nga strukturat operative që marrin pjesë në programin përkatës të BNK/CBC-së;

xi) SPT-ja menaxhohet bashkërisht nga strukturat operative që marrin pjesë në programin përkatës të BNK/CBC-së.

11. Parashikime të fundit

a) Ngarkohen Ministria e Financave dhe Ministria e Integrimit për zbatimin e këtij vendimi.

b) Vendimi nr. 48, datë 19.1.2011 i Këshillit të Ministrave “Për përcaktimin e autoriteteve dhe të përgjegjësive për menaxhimin e decentralizuar të asistencës së Bashkimit European në kuadrin e IPA-së, komponenti II “Bashkëpunimi ndërkufitar”, shfuqizohet.

Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha